

tuos resurgere dicit, & solos sanctos cū his qui uiui iustū inuenti fuerint in gloriā immutari. ¶ Oportet enim incorruptibile hoc.) Necessē est fieri quod promissum est. ¶ Induere in corruptelam, & mortale hoc, induere immortalitatem.) Et quod induit &, est similiter indumentum. ¶ Cum autem mortale hoc induerit immortalitatem, tunc fiet sermo qui scriptus est: absorpta est mors in uictoria.) Ut euacuetis causas mortis per diuinam uictoriam ac si absorpta non pereat. ¶ Vbi est mors stimulus tuus? Vbi est mors uictoria tua?) Propheta ex persona iustorū loquitur insultando morti. ¶ Stimulus autem mortis est peccatum.) Sagitta mortis peccatum per quod animæ iugulantur. ¶ Virtus uero peccati lex.) dum fortius & maius sit per scientiam peccatum. ¶ Deo autem gratias qui dedit nobis uictoriam per dominum Iesum Christum.) Uictoriam illius peccati in quo lex carnalem nostram uoluntatem fuerat infirmata, quam Christus crucis exemplo destruxit. ¶ Itaq; fratres mei.) Reddita resurrectionis ratione de qua hæsitant, hortatur eos in dei opere permanere iam incertos de retributione futura. ¶ Stabiles estote & immobiles, abundātes in opere domini semper, scientes qđ labor uester non est inanis in domino.) Nemo uos de gradu spei futuræ ultra permoueat.

Osee. ij.

CAPVT XVI.



NAM de collectis quæ sunt in sanctos sicut ordinari Ecclesiæ Galatiæ, ita & uos facite.) De sumptibus dicit qui per singulas ecclesias collecti Hierosolymā sanctis pauperibus mittebantur. ¶ Per unam sabbati.) Una sabbati dominica dies est, sicut in Euangelio dicit, dominū una sabbati surrexisse. ¶ Vnusquisq; uestrum apud se recōdens quod ei bene placuerit, ut non cum uenero tunc collectæ fiant.) Ut paulatim reseruantes, non una hora grauari se putent, ut hilares da-

S s' toro

tores diligantur à deo. ¶ Cum autem fuero præfens, quicumque pbaueritis per epistolam hos mittam pferre gratiam uestram in Hierusalem. Quod si dignum fuerit ut ego eam, mecum ibunt. ¶ Per se clarum est, quia utrunque in eorum arbitrio derelinquit, ut & quod dederint portetur, & per quos direxerint ipsi eam. ¶ Veniam autem ad uos cum Macedoniam pertransiero. Nam Macedoniam pertransibo nisi uos me deduxeritis quocumque iero. Nolo enim uos nunc in transitu uidere. Spero enim me aliquantum temporis mansurum apud uos si dominus permiserit. ¶ Quia ita se agunt Macedones ut non sit necesse mihi apud eos diutius remanere. Apud uos necesse est ut maneam uel hyeme. Multa enim sunt quæ corrigantur à uobis: sicut medicus ibi moram habet ubi plures ægrotant. ¶ Manebo autem Ephesi usque Pentecosten. Ostium autem mihi apertum est magnum & euidens, sed aduersarii multi. ¶ Neq; ibi pmanebo, quia cum mihi euidens datus sit aditus prædicandi, sunt plurimi qui resistent. ¶ Si autem uenerit Timotheus, uidete ut sine timore sit inter uos, quia opus domini operatur sicut & ego, ne quod illum spernat. ¶ Sine tribulationis formidine, uel etiam uestri contemptus. ¶ Deducite autem illum in pace, ut ueniat ad me. Expecto enim illum cum fratribus. ¶ Nihil admittentes quod ad animi eius proficiat læsionem.

DE Apollo autem fratre notum uobis facio, quia multum illum rogavi uenire ad uos cum fratribus, & utique non fuit uoluntas ut nunc ueniret ueniet autem cum oportunum fuerit. Vigilate state in fide, uiriliter agite & confortamini, omnia uestra cum charitate fiant. ¶ Vigilate, mentis oculis ad diaboli astutias præcauendas. State, quia stantibus difficile somnus obrepit. Viriliter agite. Mulieris enim omnis inconstantia & uarietas indicatur. ¶ Confortamini, ut sit in uestra uirtute profectus. Omnia non inanis gloriae causa, sed charitatis gratia facere festinate. ¶ Obsecro autem uos fratres, notis domum Stephane & Fortunati & Achaici, quoniam

Sunt primitiæ Achaia, & in ministerium sanctorum se ordinauerunt, ut & uos subiecti sitis talibus & omni cooperanti & laboranti in uobis. Gaudeo autem in presentia Stephana & Fortunati & Achaia, quoniam id quod uobis deerat ipsi adimpleuerunt.) Quia presentes sunt apud uos, & in illis magnum potestis habere profectum siue quia mihi uenerunt, p uobis ministrare officium charitatis. ¶ Refecerunt autem & meum spiritum & uestrum spiritum charitate.) Pro uobis uestrum, p mea leticia me refecerunt. ¶ Cognoscite ergo huiusmodi.) Vnde alibi ait: Cognoscite eos qui ita ambulant ut habeatis formam nostram. Hic cognoscite, honorate, cognoscetes eorum studium uel laborem. ¶ Salutant uos ecclesie Asiae. Salutant uos in domino Aquila multum & Priscilla cum ea quae in domo eorum est ecclesia apud quos etiam hospitor.) Domestici cum congregationem fraternitatis ecclesiam nominauit; ¶ Salutant uos fratres omnes. Salutate inuicem in osculo sancto. Salutatio mea manu Pauli. Si quis non amat dominum Iesum Christum, sit anathema.) Sicut illis qui cum amat redemptio uenturus est Christus, ita qui eum non amat anathema sit, id est, ut illos abominetur & perdat. ¶ Maranatha.) Magis Syrum est quam Hebraeum, tamen ex sermone utrarumque linguarum aliquid Hebraeum sonat, & interpretatur dominus noster uenit. ¶ Gratia domini nostri uobiscum.) Propriae manus composita subscriptio. ¶ Charitas mea cum omnibus uobis.) Ut quomodo uos ego diligo, ita & in Christo inuicem diligatis. ¶ In Christo Iesu.) Non secundum seculi charitatem. ¶ Amen.) Confirmatio est benedictionis hic sermo, sicut superius ipse demonstrat, quomodo inquit dicit amen super tuam benedictionem & . . .